

Leiðbeiningar heilbrigðiseftirlits um flutning sóttmengaðs úrgangs

Einungis aðilar sem hafa starfsleyfi frá heilbrigðisnefnd mega annast flutning á sóttmenguðum úrgangi.

Flutningsaðili skal fara eftir starfsleyfisskilyrðum fyrir flutning á spilliefnum gefin út af Umhverfisstofnun og heilbrigðiseftirliti sveitafélaga.

Flutningi skal háttað þannig að ekki valdi hættu á útbreiðslu smitefna eða annarra skaðlegra efna.

Hleðsla, frágangur og merking

- Flytja skal farminn í lokuðum flutningstækjum eða flutningstækjum lokuðum með tjaldi.
- Flutningstæki skulu vera þannig útbúin að úrgangur geti ekki fallið af þeim eða lekið niður.
- Þegar lekið getur úr farmi, skal vera safnþró eða safngeymir í farmrýminu fyrir lekann.
- Þegar fljótandi úrgangur er fluttur skal vera til taks íssogsefni eða –búnaður sem hægt er að nota ef óhapp verður.
- Lesta skal flutningstæki þannig að auðvelt sé að komast að þeim og aflesta ef óhapp verður.
- Flutningsílát skulu vera tryggilega fest þannig að þau kastist ekki til og haldist í farmrými ef óhapp verður.
- Farm skal merkja á viðeigandi hátt.

Mengunaróhöpp

- Ef óhapp verður skal hreinsa strax og þrifa upp það sem niður hefur farið.
- Hvers konar óhapp þar sem flutningur spilliefna á í hlut ber að tilkynna neyðarlínu í síma 112.
- Í flutningstæki skulu vera upplýsingar um hvernig hreinsa megna efni upp og hvernig draga megna úr áhættu á staðnum, t.d. upplýsingar um heppilegt sótthreinsiefni.

Þrif og sótthreinsun

- Flutningstæki, vinnuvélar og annan tækjabúnað skal þvo og sótthreinsa áður en farið er með hann af smituðu svæði undir eftirliti viðkomandi heilbrigðiseftirlits og héraðsdýralæknis. Þetta á einnig við um móttökustað.
- Að lokinni hverri ferð skal þvo og sótthreinsa flutningstæki samkvæmt leiðbeiningum um þrif og sótthreinsun á flutningabílum og gámum frá Matvælastofnun.
- Gera skal viðeigandi ráðstafanir m.t.t. þvottaaðstöðu og sótthreinsunar á vinnu- og flutningstækjum á þeim stöðum sem móttaka á smituðum úrgangi fer fram.

Annað

- Starfsmenn sem flytja sóttmengaðan úrgang skulu hafa tilskilinn réttindi (ADR réttindi).
- Tryggja skal að allir starfsmenn sem koma að flutningi séu varðir með viðeigandi hætti.

Flutningur sóttmengaðs úrgangs

- Tryggja þarf að flutningstæki sem uppfylla allar kröfur séu tiltæk hvenær sem er meðan hættu á smiti varir.
- Reynt skal eftir fremsta megni að halda flutningi sóttmengaðs úrgangs í lágmarki.
- Við flutning á sóttmenguðum úrgangi skal eftir fremsta megni forðast akstur og stöðvun flutningstækis í þéttbýli eða nálægt íbúðabyggð.